

Ұ л т т ы қ Б а н к
Т ө р а ғ а с ы
Қазақстан Республикасының
Ұлттық Банкі Басқармасының
1998 жылғы 27 қаңтар

бекітілген

Шет ел валюталарын пайдалануға байланысты қызметті лицензиялау тәртібі туралы ережеге өзгерістер мен толықтырулар

Қазақстан Республикасының Ұлттық Банк Басқармасының 1997 жылғы 24 сәуірдегі N 130 қаулысымен бекітілген шет ел валюталарын пайдалануға байланысты қызметті лицензиялау тәртібі туралы ережеге (бұдан әрі - Ереже) мынадай өзгерістер мен толықтырулар енгізілсін:

1. Ереженің 1.3.-тармағындағы "әуежайлар мен теңіз порттары транзиттік аймағының аумағына" деген сөздер "халықаралық қатынастарға ашылған Қазақстан Республикасының кеден аумағындағы әуежайларда, порттарда және шекаралық өтпе жолдарда кедендік бақылаумен" деген сөздермен алмастырылсын.

2. Ереженің 1.4.-тармағының сегізінші азатжолы, 2.2.-тармағының оныншы азатжолы, 3.4.-тармағының а) тармақшасының тоғызыншы азатжолы б) тармақшасының сегізінші азатжолы, в) тармақшасының төртінші азатжолы "(Қазақстан Республикасы Ұлттық Банкінің лицензия беру туралы шешімі қабылданған соң беріледі)" деген сөздермен толықтырылсын.

3. Ереженің 2.1.-тармағының үшінші азатжолы:

"(Бағалы қағаздар рыногындағы уәкілетті банктердің кәсіби қызметінен, ал атап айтқанда, резидент еместердің мемлекеттік бағалы қағаздармен брокерлік және дилерлік қызметінен басқасы)" деген сөздермен толықтырылсын.

4. Ереженің 2.2.-тармағындағы:

- алтыншы азатжолдағы "Экономика және сауда министрлігінің 100 мың АҚШ долларына балама сомадан асатын операциялар жүргізу үшін" деген сөздер "Қазақстан Республикасы Қаржы министрлігінің 100 мың АҚШ долларына балама сомадан асатын операциялар жүргізуі үшін, ал 10 миллион АҚШ долларына баламадан асатын сома бойынша сондай-ақ Қазақстан Республикасы стратегиялық жоспарлау және реформалау жөніндегі агенттік" деген сөздермен алмастырылсын;

- жетінші, сегізінші, тоғызыншы азатжолдар "(заңды тұлғалар үшін)" деген сөздермен толықтырылсын;

- мынадай мазмұндағы азатжолмен толықтырылсын:

"Қазақстан Республикасы Ұлттық Банкінің Банктік қадағалау департаментінің резидент еместердің (банктер үшін) банк капиталына қатысуы мүмкін екенін ескере отырып есептелген банктердің пруденциалдық нормативтерді орындауы жөніндегі қорытындысы".

5. Ереженің 3.1.-тармағы мынадай мазмұндағы азатжолмен толықтырылсын:

"Уәкілетті банктердің шет ел банктерінде корреспонденттік шот ашуы банктер арасындағы тиісті шарттарда көзделген негізде және тәртіппен жүзеге асырылады".

6. Ереженің 3.4.-тармағының а) тармақшасының төртінші азатжолы мынадай редакцияда жазылсын: "Қазақстан Республикасы Қаржы министрлігінің шет елде шот ашуға жазбаша келісімі".

7. Ереженің 3.7.-тармағының б) тармақшасындағы "тоқсан сайын" деген сөзден кейін "есеп беріліп отырған тоқсаннан кейінгі келесі айдың 20-на дейін" деген сөздермен толықтырылсын.

Ұ л т т ы қ Б а н к

Төрағасы